

Međunarodna zajednica neće biti zastrašena



Na današnjem sastanku, ambasadori Upravnog odbora Vijeća za implementaciju mira snažno su osudili potez premijera RS Milorada Dodika da podnese krivičnu prijavu protiv prvog zamjenika visokog predstavnika Raffija Gregoriana i shvataju to kao pokušaj sprječavanja OHR-a u provođenju svog mandata.

U skladu sa Aneksom X, Općeg okvirnog sporazuma za mir, svi organi vlasti u BiH su obavezni da u potpunosti sarađuju sa visokim predstavnikom i njegovim osobljem. Oспорavanje ovlasti visokog predstavnika, njegovog osoblja i Vijeća za implementaciju mira neće biti tolerisano.

Ambasadori također podsjećaju na rezoluciju Vijeća sigurnosti UN-a br. 1845, usvojenu 20. novembra, kojom se: "još jednom potvrđuje podrška mirovnom sporazumu... ..i pozivaju strane da se striktno pridržavaju svojih obaveza prema ovim sporazumima".

Ambasadori su ponovili da će visoki predstavnik, u skladu sa Deklaracijom Upravnog odbora Vijeća za implementaciju mira od 20. novembra 2008. godine i Rezolucijom 1845 VS UN-a, nastaviti da osigurava puno poštivanje Općeg okvirnog sporazuma za mir i prati pomake u pogledu realizacije ciljeva i uslova, a Upravni odbor Vijeća za implementaciju mira će stalno pratiti razvoj situacije u ovom pogledu.

Jasno je da Milorad Dodik koristi institucije Republike Srpske i njihovo osoblje u pokušajima zastrašivanja međunarodne zajednice.

Pored toga, ambasadori izražavaju ozbiljnu zabrinutost u pogledu ovog poteza na koji gledaju kao na napad na

institucije države BiH i njene agencije za provođenje zakona.

Ambasadori podsjećaju premijera Dodika na Deklaraciju Upravnog odbora Vijeća za implementaciju mira od 20. novembra 2008. godine kojom se navodi da se: "nadležnost organa za provođenje zakona i pravosudnih institucija na državnom nivou da u potpunosti djeluju unutar RS ne smije osporavati i treba biti u potpunosti i bezuslovno ispoštovana".

Zvaničnici i ostali koji su imenovani u ovoj krivičnoj prijavi i dalje će imati punu podršku međunarodne zajednice u vršenju svojih važnih dužnosti u pružanju podrške naporima Bosne i Hercegovine da se u potpunosti integrira u evro-atlantske institucije.

Izjavu su podržale sljedeće zemlje: Kanada, Francuska, Njemačka, Italija, Japan, Velika Britanija, Sjedinjene Američke Države, Predsjedništvo Evropske unije, Evropska komisija i Organizacija islamske konferencije (OIC), koju predstavlja Turska.